

Am Volksfest

Volksfest is am Dutzendteich!
Machti ferti, fohr mer gleich!

Bal sin mer am Platz hikumma,
hom glei dortn Lose grumma,
sin glatt gwesn lauter Nieter,
weil es Glück hout uns gemieden.

Hau mer zerscht mol Broutwerscht nei,
daß der Mogn beruhigt sei!

Überoll hom mers probiert,
gschossn a ganz ungeniert,
Ringla gworf'n und su fort,
für uns word a bibla Sport.

Und die Guinne? Ei der Daus,
hulden stets die andern raus!

Laß des Gwerch und des Geschrei,
geng mer in a Bierzelt nei!

Alles vull und manche bsuff'n,
moubt a Plätzla dir erpuffen,
zohlst drei Merkla für a Bier
und manst: Es is herrli hier!

Die Musik spillt die schensten Sachen,
tout dabei nu Faxen machen,
alles grinst, und lacht, und patscht,
ringsum wend dabei gequatscht,
daß mers eigne Wort net hört,
trotzdem fühlsti gornet gstört!

Volksfest is!

Löscht eich den Dorscht!

Und .. was morgn is, sei eich worscht!

Jeden Tog vergäiht! Is wahr!

Heit wons einfach wunderbor!